

Cyngor Cymuned Llanystumdwy

Rhaglen waith y Cyngor - nos Iau, 4ydd o Ionawr 2024 yn brydlon am 7:00 y.h. yn rhithiol drwy Zoom yn unig (gellir cael mynediad i'r cyfarfod drwy gysylltu ar ebost hefo'r Clerc.

1. Ymddiheuriadau.

2. Cyflwyno a chadarnhau cofnodion cyfarfod y Cyngor a gynhaliwyd ar 7fed o Ragfyr 2023.

3. Llofnodi cadarnhâd taliadau BACS yn dilyn cyfarfod 7fed o Ragfyr 2023.

4. Datgan buddiant personol.

5. Adroddiad Blynyddol - 01.04.2022 - 31.03.2023 - bydd y Clerc wedi anfon copi at y Cynghorwyr cyn y cyfarfod.

6. Materion gan Cyngor Gwynedd

a) Rhybudd - Cau'r Ffordd Di-Ddosbarth a adwaenir fel Rhesdai Afonwen, Afonwen
Gwaith adfer hydrant tân ar ran Dŵr Cymru ar 09.01.2024 rhwng 3-5 diwrnod.

b) Gwaherddir cerbydau modur ac eithrio mynediad arfaethedig - Lôn Fêl, Cricieth - Llundain i Gwener - rhwng 8:00 -9.30 y bore a 2.30 - 4:00 y pŵn. -

Mae Tîm Traffig Cyngor Gwynedd yn ymgynghori ar gynnig i gyflwyno gorchymyn rheoli traffig ar y ffordd uchod. Bwriad y gorchymyn yw gwella diogelwch ffyrdd cyhoeddus ar Lôn Fêl yn enwedig o ran yr ysgol newydd yn yr ardal y flwyddyn nesaf ac annog pobl i ddefnyddio'r prif ffyrdd i gael mynediad i'r ysgol yn hytrach na defnyddio Lôn Fêl, lleihau llygredd annog pobl i gerdded a beicio mwy. Maent yn gobeithio y byddai'r mesur hwn yn mynd i'r afael â rhai o'r pryderon lleol.

Bydd angen sylwadau ynglŷn â'r uchod cyn 11.01.2024. Os na dderbynnir ymateb o fewn yr amser hwn, cymerir yn ganiataol nad oes gwrthwynebiad.

7. Cyngor Gwynedd - ceisiadau cynllunio yn y gymuned

Mae ystyriaethau gwahanol hefo'r ddau gais isod, mae'r ail un (CR) oherwydd ei fod yn adeilad rhestredig.

a) Cais Cynllunio rhif: C23/1004/41/LL - Madryn Arms, Chwilog, - dymchwel cyntedd presennol a'r grisiau dur a chodi estyniad newydd gyda grisiau dur mewn lleoliad gwahanol.

b) Cais Cynllunio rhif: C23/1005/41/CR - Madryn Arms, Chwilog, - dymchwel cyntedd presennol a'r grisiau dur a chodi estyniad newydd gyda grisiau dur mewn lleoliad gwahanol.

8. Porth Allanol Timau Tacluso Ardal Ni - derbyniwyd ebost gan Swyddog Prosiect, Tîm Tacluso Ardal Ni.

Byddant yn anfon e-bost yn fuan at y Clerc gyda linc i Borth Allanol y Timau Tacluso fydd yn ein galluogi i weld cynnydd y timau yn ein ward. Bydd hefyd yn dangos eu ymweliad nesaf yn

ein ward, creu ceisiadau am waith a hefyd gadael adborth drwy llenwi'r holiadur. Mae rhoi adborth yn oll bwysig iddynt. Mae modd parhau i gysylltu yn y modd arferol drwy ddilyn y ddolen yma:- <http://www.gwynedd.llyw.cymru/timtacluso>

9. Llŷn i gryfhau'r Gymraeg.

Derbyniwyd ebost gan Sian Parri ar ran Ardal o Arwyddocâd Ieithyddol Aberdaron, Tudweiliog a Botwnnog. Mae'n anfon gwybodaeth am bryder mawr am yr iaith Gymraeg ym mhen draw Llŷn, lle mae tri Cyngor wedi dynodi eu hardaloedd yn ardal o arwyddocâd ieithyddol.

Dywedodd "Anfonaf atoch i ofyn yn daer i chwi hefyd ymrwmo i gryfhau'r Gymraeg yn eich ardal chi a thrwy hyn ddangos cefnogaeth i'r tri Cyngor Cymuned Aberdaron, Tudweiliog a Botwnnog sydd am wneud bob ymdrech i sefydlogi a chryfhau'r Gymraeg.

Os y byddwch yn ymuno mae yna dystysgrif dynodi ynghlwm i'w llenwi, a'i arwyddo. Mae'r tystysgrif i chi ei chadw ond buaswn yn ddiolchgar os y medrwch dynnu llun ffon a'i anfon ataf".

Materion yn y gymuned.

10. Llanystumdwy

Tir ger y Fynwent - derbyniwyd gwybodaeth fod y tir wedi cael ei werthu i wr busnes sydd yn gysylltiedig â'r cwmni gwerthu carafannu gerllaw, a bod gwaith clirio wedi dechrau'n barod - sef sŵn llifio coed a mwg tân yn codi o'r safle. Mae pryderon yn yr ardal y bydd carafannau yn cael ei cadw yma.

11. Rhoslan/Ynys

Brigau ar hyd y lon yn creu trafferth i gerbydau.

12. Chwilog/Llanarmon

13. Pencaenewydd/Sardis

14. Llangybi

- a) Cae Chwarae - wedi derbyn pris i beintio'r offer fel nad ydynt yn rhydu.
- b) Y Clerc wedi derbyn ebost gan Nia Hughes, Swyddog Ariannu Cronfa Gymunedol y Loteri, ac yn cynnwys linc i'r ffurflen gais.

15. Materion Ariannol

Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cyngorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 31.12.2023. Mae hyn yn cadw golwg manwl ar y gwariant sydd eisioes wedi ei wneud.

16. Cegin Gymunedol - Mae Chwilog yn y broses o gynnal 5 sesiwn misol ar y dydd Gwener olaf bob mis rhwng 10:00 a 12.30, gan gynnig gofod cynnes a phryd o fwyd syml am ddim. Mae Pencaenewydd hefyd wedi cynnal dau sef ar 05.12.2023 a'r 30.12.2023.

Y Clerc wedi holi Un Llais Cymru ac fe ddywedwyd fod angen cofnodi y broses yn llawn, a bod y taliadau yn cael ei gwneud i gymdeithasau hysbys sydd hefo cyfrif banc a chyfansoddiad.

Yn dilyn cyfarfod mis Rhagfyr penderfynwyd adolygu hyn mis Ionawr 2024, drwy holi faint fuodd yn mynychu y sesiynau, a faint oedd y gost o ddarparu hyn.

17. Hysbyseb ceisiadau am Gymorth Ariannol - gan fudiadau o fewn dalgylch y Cyngor. Mae hysbyseb wedi cael ei roi ar y wefan, yn rhifyn Tachwedd a Rhagfyr 2023 o'r Ffynnon, ac ar yr hysbysfyrddau gyda dyddiad cau 15.01.2024.

18. **Praesept** – wedi derbyn ebost gan Bennaeth Cyllid Cyngor Gwynedd yn gofyn am benderfyniad y Cyngor Cymuned ar gyfer praesept 2024/25, **erbyn Dydd Gwener 26ain o Ionawr 2024**.

Cynhaliwyd Cyfarfod Cyllid/Busnes ar 05.10.2023, ac awgrymwyd codi'r praesept o £19,000.00 i £20,000.00. Mae'r Clerc wedi anfon y cofnodion at bawb, a'r ddogfen rhagolwg cyllideb am y flwyddyn 01.04.2024 – 31.03.2025 o flaen cyfarfod mis Rhagfyr. Mae'r Clerc hefyd wedi diweddarau'r rhagolwg cyllid i ddangos mwy o newidiadau, yn sgîl derbyn pris am beintio offer y cae chwarae a chynnydd yng nghyflog y Clerc, a bydd y manylion newydd yma'n cael ei rannu cyn y noson.

Bydd angen penderfynu os oes angen cynyddu'r praesept o £19,000.00 i £20,000.00 o 01.04.2024 ymlaen.

19. **Taliadau** BACS angen cael ei gwneud yn dilyn y cyfarfod:

Enw/Rheswm	Rheswm	Pris £	TAW	Cyfanswm Taliad net £	Taliad BACS:- £
Cyswllt Wifi Neuadd Chwilog	Taliad rhwng 01.04.23 – 18.12.2023 (£47.15 x 1 mis, a £46.03 x 8 'BT', a £25.99'Plusnet' = £441.38	<u>441.38</u>		<u>441.38</u>	<u>441.38</u>
Y Ffynnon (M1190)	Hysbyseb Tachwedd a Rhagfyr 2023	<u>28.00</u>		<u>28.00</u>	<u>28.00</u>

20. Cyflog mis Rhagfyr 2023 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS:- £
Cyflog sylfaenol Clerc, Rhagfyr 2023 35 awr y mis x £13.73 = £480.55	480.55 96.12 -llai treth <u>£384.43</u>	<u>384.43</u>	<u>384.43</u>
Cyllid a Thollau EM Treth ar gyflog y Clerc Rhagfyr 2023	480.60 x 20% = <u>£96.12</u>	<u>96.12</u>	<u>96.12</u>
Costau swyddfa'r Clerc Rhagfyr 2023	<u>£26.00</u>	<u>26.00</u>	<u>26.00</u>

Materion hwyr

Bydd angen penderfynu os mai ar y nos Iau **01.02.2024** fydd y cyfarfod nesaf, yn Ffestri Pencaenewydd, ac yn rhithiol.

It is possible to get an English translation of any minute, please contact the Clerk.